

Više od 172.000 državljana BiH živi i radi u Njemačkoj

21/04/2018 22:48 by Administrator

Iz Bosne i Hercegovine u Njemačku se od 2008. do 2016. godine iselilo 15.756 bh. građana, pokazali su podaci Saveznog zavoda za statistiku Njemačke (Destatis). - Zaključno sa 2016. godinom, na evidenciji službeni registrirano je 172.560 državljana BiH koji žive i rade u Njemačkoj - navodi se u izvještaju.

Â

Â Autor: E. HALIMIĆ

Još odlazaka Prema podacima njemačkog zavoda, vidi se da se dolaskom ekonomske krize u EU određeni broj bh. građana odlučio vratiti u domovinu ili otići u druge države. Tako je od 2008. do 2013. broj bh. državljana u Njemačkoj smanjen sa 156.804 na 152.444. Ponovno povećanje bilježi se do 2016., kada se broj Bosanaca i Hercegovaca sa 153.470 popeo na 172.560. Bosna i Hercegovina balkanska je zemlja s najviše iseljenika, a zbog odluke Njemačke da olakša izdavanje radnih dozvola građanima BiH, očekuje se još više odlazaka, navedeno je u studiji Bečkog instituta za ekonomske studije i Svjetske banke o stanju ekonomija zapadnog Balkana.

Â Osim toga, kako je navedeno, dodatne migracije bit će ubrzanе i zbog starenja stanovništva i negativnog nataliteta, ali i zato što mnogi bh. državljani imaju pasoše Hrvatske. Gledano u apsolutnim ciframa, u studiji je istaknuto da je BiH od raspada Jugoslavije do danas napustilo 1,3 miliona ljudi, što iznosi trećinu stanovništva, a slijede je Albanija s milion i Srbija sa 900.000 iseljenika. Sociolog Esad Lukać kazao je za Avaz da je riječ o trendu koji, na žalost, nije završen i tek se otvara. - Do sada su otišli oni koji su htjeli, a sada idu svi jer moraju. Ne otvaraju se nova radna mjesta u BiH, a Njemačka vapi za radnom snagom, trebaju im tehničari, zanatlije, radnici u realnom sektoru - istakao je Lukać. Najveća greška Dodao je da je i ministar za socijalni rad Njemačke priznao da je najveća greška napravljena kada Njemačka nije uspjela dati državljanstva svim izbjeglicama iz BiH. - Tako narod u BiH nestaje. Ali, ne radi se samo o našoj državi. Još je gora situacija u Hrvatskoj. Političari u Hrvatskoj ne smiju ni spomenuti koliko je ljudi otišlo, a poznato je da više ljudi iz Zagreba ode u jednoj godini nego iz cijele BiH - pojasnio je Lukać.

Â Prema njegovim riječima, BiH postaje zemlja staraca, nezaposlenih, penzionera, nesposobnih i mediokriteta s kupljenim diplomama. Demografski rasadnik - Postajemo demografski rasadnik za razvijene nacije kao što je Njemačka. Slučajno za osvještavanje njihove krvi, a oni dobivaju našu natprosječnu djecu koja se lako prilagođavaju uređenom pravnom sistemu Njemačke - naglasio je Lukać.

Izvor vijesti: Dnevni Avaz